

Reykjavík, 19. mars 2019

Sæl/sæll.

Föstudaginn 22. mars næstkomandi mun standa yfir sólarhringsverkfall hópbifreiðastjóra í Eflingu – stéttarfélagi samkvæmt verfallsboðun sem fylgir með skeyti þessu. Fyrir hönd Eflingar vil ég upplýsa forsvarsmenn hópbifreiðafyrirtækja á félagssvæði Eflingar um eftirfarandi:

- Samkvæmt kjarasamningi Eflingar og SA skulu allir hópbifreiðastjórar sem hafa starfsstöð á félagssvæði Eflingar vera í féluginu og hlíta í öllum atriðum löglega teknum ákvörðunum félagsins, þar með talið um verkföll.
- Verfallsboðun nær til allrar vinnu við hópbifreiðaakstur (utan Strætó BS) sem heyrir undir kjarasamning Eflingar við SA. Kjarasamningurinn tekur til félagssvæðis Eflingar.
- Óheimilt er að láta einstaklinga aðra en forstjóra fyrirtækis á svæði verfallsboðunar ganga í störf félagsmanna í verkfalli.
- Hópbifreiðastjórar sem starfa á félagssvæðinu en greiða í stéttarfélög sem ekki hafa þar gildan kjarasamning um störf hópbifreiðastjóra gera það á eigin ábyrgð og eru ekki undanþegnir verfallsboðun þessari. Hópbifreiðastjórum í þessari stöðu stendur til boða að leiðréttá félagsaðild sína og færa iðgjöld sín til Eflingar.
- Hópbifreiðastjórar innan Eflingar sem staddir eru í akstri þegar verfall er í gildi eiga að nema staðar áður en komið er inn á félagssvæði Eflingar og bíða með allan akstur þangað til verkfalli lýkur. Atvinnurekanda ber annað hvort að haga vinnu til að afstýra þessari stöðu eða að greiða kostnað sem af því hlýst fyrir bílstjóra, enda hefur verfall verið auglýst og boðað með fyrirvara.
- Hópbifreiðastjórar sem hafa starfsstöð utan félagssvæðis Eflingar og standa utan Eflingar geta sinnt reglubundnum akstri inn á félagssvæðið og út af því meðan á verkfalli stendur, en aldrei þannig að þeir gangi í störf Eflingarfélaga. Efling mun túlka þessa heimild utanfélagsmanna til aksturs á félagssvæðinu þróngt og mun hvetja félagsmenn og forsvarsmenn annarra stéttarfélaga til samstöðu um þá framkvæmd.

Virðingarfyllst,

  
Sólveig Anna Jónsdóttir  
formaður Eflingar - stéttarfélags